







S. VIII. 33.

Amplissimæ Funeris deductioni

V I R I

AMPLISSIMI, CLARISSIMI

ET CONSULTISSIMI,

DN. MARCI SCHLÆ-
VICHII,

Illustrium Archidicast. Pom.

Advocati, Ordinum Provincialium Distri-
ctus Wolgastensis Syndici, nec non Inelyti Sca-
binorum Synedrij in hac orbe Alse-
ris primarij & optimè
meriti;

Editi in hanc lucem Anclami Anno 1586.

die 21. Maj; eadem orbat Stetini Anno 1641. die

18. Septembr. ætatis sue A. 55. M. 4. hodie, nrm. 23.

ejusd. mens. in Templo cathedrali Divæ Vir-

gini sacro, more Christiano & so-

lenni humandi;

Ut omnes & singuli in Illustri Pædagogio

Studioſi Juvenes, lugentes & condolentes

intereſſint, hortatur, vacante Re-

ctoris loco,

M. HEINR. KIELMANNUS, ejusd. Pædag.

ConR. Gr. L. & Poës. Prof.

STETINI, Typis GEORGII GOETSCHII.



I quis omnium ordinum homines, à supremis ad infimos usq. descendens, mente secum tacitè perlustret; ubiq. vitam humanam acerbissimis casibus expositam esse, mirisq. fortuna flatibus variè agitari, haud obscurè deprehendet. Quamobrem non injurià passim, non tantum in sacrarum, sed etiam profanarum literarum monumentis, occurrunt de vitæ nostræ fragilitate & instabilitate querimoniae graves, & mœstæ lamentationes, in quibus illa nunc radio textoris, nunc vento, nubecula, navi per fluctus marinos perniciosissime volanti, floribus citò arescentibus, nunc bulle, umbra, alijsq. rebus ejusdè generis celeriter evanescentibus comparatur. Veruntamen profanorum scriptorum lamenta à divinorum oraculorum querelis plurimum discrepant. Siquidem neq. fontem, ex quo omnia mala scaturiunt, exploratum habent; neq. ullam ipsam certam polliceri medicinam possunt: & ut paucis multa comprehendantur, totum tantummodò cernunt,
at

at 78 diē planē sunt rudes ac nescij. Quare perspicacis-
simus aliqui rerum indagator Aristoteles appetitio-
nes sensuum, rationi velut obliuētantes in anima, con-
fert quidem membrīs paralyti affectis, quā dextror-
sum flexa sinistrorsum feruntur: sed unde in anima
paralysis orta sit, causam explicare potest minimē. Soli
Israēlis fontes limpidissimi non solum aperiunt causam
morbi latentis istiusmodi, & quidem atrocissimi: sed
etiam remedia certa ac firma demonstrant, quibus à
nobis ille profligetur, & salus pristina recuperetur.
Quibus Pharmacia quicunq; ex divina verbi cœlestis
officina ritē utuntur, ne calamitates hujus vitæ mi-
seræ ac caducæ, sordesq; omnes humanas animo celsò
despiciunt; & longē beatiorē vitam, solidioraq; bona,
post depositas hujus corporis exuvias, sese consecuturos
esse confidunt. Atq; sanctissimo hujusmodi hominum
cœtui se quoq; insertum fuisse, quā diu vixit, con-
tempta vi mortis, ex animo latatus est Vir pie mem.
Amplissimus, Clarissim⁹ & Consultissimus, Dn. MAR-
CUS SCHLÆVICH IUS, Illustrum Archidi-
casteriorum Pomeranicorum Advocatus, Ordinum
Provincialium Districtūs Wolgastensis Syndicus, nec
non celeberrimi Synedrj Scabinorum in hac urbe Af-
fessor primarius & optimē meritis: cujus ex hac mi-
seriarum valle exempti funeri die bodierno iusta sol-
venda sunt. Quo in officio pio & Christiano ne quid

omittamus, quod nostrarum partium videatur esse;
de ortu, ac curriculo vite Viri CL. 78 ^{ou aylois}, honesto
& preclaro, pauca pro more commemorabimus hoc
loco: ut non solum gratam pie defuncti memoriam,
ut meritus est, retineamus & conservemus; sed in-
telligat etiam familia honoratissima, nullo modo vo-
luisse nos in hoc luctu ipsorum, testificatione Vis opuna-
deas pie & sincera, nostro officio deesse.

Prodiit in hanc lucem o uaxagims, Parentibus ge-
neris, pietatis, virtutis & integritatis laude conspi-
cuis, Anno CHRISTI 1586. die 21. Maij, in oppi-
do Pomerania non ignobili ANCLAMO. Patrem
habuit Virum Spectatissimum, & civili prudentia
atq; polita literaturâ prestantissimum, Dn. HEN-
NINGUM SCHLÆVICHIIUM, Advoc-
tum & Juris Practicum ibidem eximium. Mater
fuit ANNA, ex STEPHANORUM ejus loci
familiâ splendidâ, oriunda. Ab his Parentibus ho-
nestè liberaliterq; ut decet, ineunte ab etate, educa-
tus est. Dederunt enim illi operam, ut non solum in
doctrina pietatis, sed etiam rudimentis primis litera-
rum & artium bonarum, tenera ipsius etas in schola
patria imbueretur. Fundamentis ergo linguarum
& artium laudabiliter jactis, sub ingressum Anni
1603. in Illustre hoc PÆDAGOGIUM missus,
& Rectoris eo tempore celeberrimi, Dn. M. CHRI-
STO.

STOPHORI BUTELLI, fidei ac disciplina com-
 missus est. Hic quoque eos summa cum laude fecit pro-
 gressus, ut non tantum omnes Philosophiæ partes probe
 & accurate teneret, sed easdem etiam egregie ac stre-
 nuè tueri posset. Sub finem Anni 1605. commodam
 nactus est occasionem, quâ optatò superioris Germa-
 niæ terras ac provincias visere potuit. Missus enim
 cum Discipulis quibusdam, eum tenuit itineris cur-
 sum, ut celebriores plerasque adiret urbes, BERLI-
 NUM nempe, WHITEBERGAM, LIPSIAM,
 NUMBURGUM, ERPHORDIAM, GOTHAM,
 FRANCOFURTUM ad MOENUM, WOR-
 MATIAM, SPIRAM; tandemque per ditionem
 MARCHIONUM BADENSIIUM feliciter
 perveniret ARGENTORATUM. Hic in An-
 num usque 1608. commoratus, in studiorum tracta-
 tione & continuatione sedulâ totus fuit. Eodem An-
 no in Academiam patriam, GRYPHISVAL-
 DIÆ quæ est, sese contulit; ibique Legalis scientiæ
 studio nobilissimo ingenium operamque omnem addicere
 cepit: & simul Jurisconsultis præcellentissimis, Dn.
 D. PETRO FROBÖSIO, Dn. D. MATTHIÆ
 STEPHANI, Dn. D. PETRO BESTENBÖ-
 STELIO, nec non Archiatro Ducali celeberrimo,
 Dn. D. JOHANNI STURMIO, aliisque Viris
 clarissimis familiariter innotuit: quibus etiam pro-

motoribus, Nobilibus quibusdam adolescentibus ad-
iunctus, VVITEBERGAM, LIPSIAM & JE-
NAM profectus est, & Lipsia quidem triennium in-
tegrum exegit; eademq; occasione DRESDAM,
Electorum Saxonia sedem munitissimam, cum omni-
bus ibidem visu & memoratu dignis lustravit. Hinc
Anno 1614. in Academiam ROSTOCHIENSEM
se recepit: ubi non minus, ob singularem morum ele-
gantiam & suavitatem, in amicitiam intimam pene-
travit summorum virorum, Dn. D. THOMÆ
LINDEMANNI, Dn. BERNHARDI CLIN-
GII Consulis, Dn. D. REINHOLDI à GEHREN:
quam etiam amicitiam iidem ad finem usq; vite con-
stantissimè cum ipso coluerunt. Anno 1615. in pa-
triam dulcissimam ANCLAMUM rediit: cumq;
rebus ita ferentibus STETINUM iter fecisset, &
cum Dn. D. DANIELE CRAMERO, Theologò
de hac nostra Ecclesia & Padagogio praeclarè meritò,
beatae memoriae, familiaritatem contraxisset; is quoq;
tanto statim amore nostrum piè defunctum complexus
est, ut non dubitaret filiam suam dilectissimam, vir-
ginem lectissimam GERTRUDE Meidem petenti
despondere: quam etiam subsecuto Anno 1616. die
14. Octobris in matrimonium o uxatorem accepit, &
cum illa in conjugio suavi & tranquillo vixit annos
14. suscepitq; ex eadem liberos quinq;, duos nempe fi-
lios,

hos, & tres filias: ē quibus filia una superest, fœmina
cultissima, DOROTHEA ELISABETHA, Dn.
ZACHARIÆ CRAMERi conjunx carissima.
Anno 1619. die 23. Septembr, in Amplissimum SC A-
BINORUM Synedrion cooptatus est: quo munere
annos 22: sic perfunctus est, ut ipsius fidem & dexte-
ritatem optimi quique summopere pradicarent.

Porro per mortem sublatâ uxore priori (id quod
factum est Anno 1630. die 19. Octobr.) viduam egit
vitam ferme biennium, & postea, anno nim. 1632. die
11. Junij, uxorem alteram duxit Matronam specta-
tissimam, MARGARETAM Werthers / Dn. JO-
HANNIS KIESELBACHII, Senatoris quon-
dam hujus Reipub. primarij, relictam viduam, & nunc
iterum viduam moestissimam: cum qua similiter vi-
xit in conjugio jucundo & peroptato ad hoc usque tem-
pus; & filium unum, unamque filiam, solam adhuc su-
perstitem, ex ea suscepit. Anno 1634. die 16. Aprilis,
Statuum Provincialium Ducatus VVolgastensis STN-
DICILLIS constitutus est: cui etiam functioni admo-
dum arduæ summâ cum nominis sui gloriâ hætenus
præfuit. Ut omnia in pauca contrabantur, fuit noster
paucaq; in omni vita pius, justus, candidus, beneficus,
comis & humanus: quod ipsa rerum testimonia satis
superque in ipso, nullo non tempore probarunt. Ante
hebdomadas quatuor morbo satû gravi affligi cœpit.

Et

Et licet fideli curâ & medicamentis pretiosis maturè
malo huic obviam itum fuerit; tandem tamen catar-
rhus quidam suffocativus præter omnium opinionem
accescit. Quod cum ipse ægotans persentisceret, ani-
mam suam Redemptori & Domino nostro commenda-
vit, verbisq; his ultimis prolatis, DOMINE JESU
CHRISTE JUVA ME, vitam piè beateq; finijt;
cum vixisset annos 55. menses 4.

Exanime illius corpus hodie horâ 2. solenni ac Chri-
stiano ritu in templo Cathedrali Divæ Mariæ sacro hu-
mabitur. Justo ergo tempore omnes & singuli Studiosi
Juvenes in Auditorio majori convenient, & funeris
hujus exequias decenti comitatu nobiscum prosequen-
tur. Erit hoc officium ordine nostro dignum, & fami-
liæ amplissimæ lugenti gratissimum. Publicè propos.
anno & die, ut suprâ.





92116 **Bibliotheca** 105 000
P.P. Camaldulensium in Bielany

Depozyt w Bibliotece Jagiellońskiej



06393

S.VIII.33

